

اسلام نمبر بندی

مدیری: حلیم ثابت

صافی ۴

۲۸ ربیع الآخر ۱۳۳۲

۱۳ مارچ ۱۳۳۰

پیل ۱

فصل

اسلام حقوقی - حکمی شخصیت [*]

- ۱ -

اسلام حقوقده حقوقی شخصیت نظریه سنک موجود اولوب اولدیغی تدقیق ایدیه جکزه صوک زمانلرده « اشخاص حکمی » مسئلهسی شایان قید بر اعمیت کسب ایتدیکی جهته اسلام حقوقی یوکا عائد بر بخی شاملیدر ؟ بوجهتک آراشدیرلنه لزوم حاصل اولور .

حقوقی شخصیت نظریه سنک فقهایی عظام طریقدن تدقیق ایدیلوب ایدلمدیکنی تعیین ایچون اول ائمرده اسلامده حقوقک نصل تلقی اولندیغی تحری به احتیاج واردور . فی الحقیقه آئیده ثابت اولاجنی اوزره مسئلهک حلی ، حقوقک شرع نظرند کی ماهیتک یلنمنه متوقفدر .

معلومدر که حقوقیار بوبابده ایکی به آیریلهرق بعضیسی حق ، ذاتی ، انفسی [Subjectif] عد ایتشی ؛ بر طاقمی ده شیئی ، خارجی [Objectif] اولهرق طانیئیدر . برنجی مذهبه سالک اولانلر - منشأ واساس فرقلرندن قطع نظر - حق انسانک ذاته متعلق وتقیله قائم فرض ، ایکنجی مذهب اربابی ایسه حقوقی انسانک ذاتی خارجنده موجود دراتیر اولیق اوزره قبول ایدولر .

حقک ذاتی اولدیغنه قائل اولان حقوقیار حق بیله حال بریره اسناد ایتک ایستدکلری وافراد انسانیه دن غیرینسی حق ایچون وحدت [Unité] اولهرق طانیئدقلری کی حقوقی مناسبلرده فاعل (Actif) ومنفعل (Passif) اولیق اوزره ایکی طرف آرادقلری جهته دولت ، جمعیت ، شرکت ، وقف کی

[*] « ذاتیت » کلمهسی فلسفه معلوماته « شخصیت » دن دها موافقدور. حقوقیارک تلقیناتده ملائم کلیر نته کیم فقها بومعترده « نفس » و « ذات » کلمهلری قوللانیرلر . تارومالیر دورندن باشلایهرق تعقیب ایدلدیکی تقدیرده آوروپالیرکده « Personne » کلمهسی استعمال ایتدکلری کوریلور . « حکمی » رینه ده « حقوقی » دیک اولادر ؛ زیرا « حکمی » کلمهسته مواضعه فکری واردور .

موجودیتلر قارشینده مواضعه طریقه صابغه مجبور اولورلر . دیرلر که : حق ، تفکر و اراده خاصه لرینی حائز ذاتلرده متجلیدر ؛ بوصفتلری نفسنده جمع ایدن ایسه انساندر . بناء علیه حق ایچون یکانه وحدت انسانک ذاتیدر . ذاتیت ، ایجاب و استیجابیه اهلیتدر ؛ نظام حقوقی ده انسانلرله قائمدر ؛ یوقسه انسانلرک ذاتیتی ، حقوقی نظامک نتیجه سی دکدر .

بناء علیه حقوقی موضوعه لر ، قاتونلر انسانه اهل معامله سی یاپدیغی زمان کندیسنه ذاتیت بخش ایتیموب بلکه بدایه موجود ذاتیتی طایفه اکتفا ایدرلر . حالبوکه جمعیت و امثالی دوشونمک و ایسته مک خاصه لرندن محرومدرلر . بناء علیه ذاتیه مالک اوله میه جقلری جهته کندیلرینه حق اساده امکان یوقدر . قانون بونلره اهلیت و یردیکی تقدیرده طبعه وجودی لایه اولان برشرطی مواضعه طریقیله وار فرض ایدر .

نفس الامرده بولنمان برشرطی موجود عد ایتک مواضعه دن باشقه برشی دکدر . ایته « حقوقی شخصیت » مسئله -نده مواضعه نظریه سی .

[Théorie de la personnalité fictive]

بونظریه فلسفه ، تاریخ و فعلیاته مخالفتی حسیله تعریضه دوچار اولمقدن قورتیه مامشدر . حقوقک تلقیاتنده و تدقیق اصولارنده تبدل حصولیه ذهنی عملیه لر نتیجه -نده احداث ایدلش اولان مواضعه نظریه سی حقو قحیلر طرفدن حقایق ایضاحه کافی عد اولغمانه باشلادی . نته کیم : [جماعتی ملکیت نظریه سی]
Théorie de la propriété collective [محصص ، محبوس مال نظریه سی]
Théorie du patrimoine d'affectation [حقوقی شخصیتده حقیقیک
نظریه سی] Théorie de la réalité des personnes morales
ناملریله باشلیجه اوچ نظریه ده ها ظهور ایتدی . صدودن اوزا فلاشماق
ایچون بونلری اجمالاً عرض ایله اکتفا ایدم جکز .

جماعتی ملکیت نظریه سی

املاکه اوچ صورتله تصرف اولنور : فرداً - شایعاً - عن جماعه .
فرداً تصرف ، اختصاص و استبداد طریقیله و انعدر ، بونوع تصرف استقلالی
متضمن و شیوعی مانعدر .

شایعاً تصرف دے ، معین و مستقل بر حصہ باقیدر؛ یا لکڑ حصہ ملک کافہ ذرائع ساریدے؛ شایع ملکیت فردی ملکیت حق اعتباریہ فرقی دکلدے ۔
زیرا حق لردے ، حصہ لڑہ مالکیتہ استقلال دوام ایدر۔ ہوا یکی تصرفی یکدیگرتدن آیران مادی اختلاطدن عبارتدر۔ ہونکہ برابر اختلاط کیفیتی دے عارضی اولوب مقصود بالذات دکلدے۔ ارث طریقہ متعدد وارثہ انتقال ایدن املاکدے اولدیغی کی۔ اساساً شیوع انقسامہ مستعددر۔

عن جماعة تصرفه کلنجه حال تمامیہ دے کیشیر۔ ملکیت ہوتقدیردے بر خصوصیت کسب ایدر؛ ہوندے مقصود بالذات ملکک ، جماعتی تشکیل ایدلرک کافہ نہ عائدیدر۔ برقریبہ خلقہ مخصوص قوری واورمان ؛ عامہ نک انتفاع ایتدیکی اموال امیریہ کی۔

مشاع ایلہ جماعتی ملکیت یکدیگرتدن یک فرقلیدر۔ عن جماعة تصرفه مستقل حصہ لڑ ہوتدر؛ جماعتہ منسوب اوللرک مخصص ملک کی یا لکڑ استعمال اتمکے و آندن انتفاع ایلمکے حق لری واردر؛ مذکور ملک اوزرندے مستقلاً ہیچ بر حصہ یہ صاحب دکلدلر۔

بجملاً عرضی صددندہ بولندیغہ نظر یہ نک مدافع لری ہوا وچ نوع ملکک عینی زماندہ موجودیتی بیاندن صبر کرہ دیر لڑکے : مواضعہ نظریہ سی ، اولاً ، یا کلش بر فکرک محصولیدر ؛ ثانیاً ، عن جماعة تصرف ایدیلان املاک کیزی قالمسہ سبب اولور۔ بناء علیہ حقوق شخصیت دینلیدیکی زمان : [فردی ملکیتدن باشقہ احکامہ تابع و مستقل بر کل حالندہ عن جماعة تصرف ایدیلر املاک] تصور اولنمیدر۔ زیرا مادہ وجودی ثابت اولان بر شیک ایضاحی ایچون مواضعہ یہ احتیاج یوقندے۔ برده حقوق یا لکڑ انسانلڑہ عائددر۔ اولنرہ بر طاقم منافع تأمین ایچون وضع ایدلشدر۔ شوقدرکہ بر طاقم افراد مجتمعاً بعض اموائہ تصرف ایتدکلری تقدیردے عملی ملاحظتاتہ مستند اولہرق شخص معنوی تعیری قوللائیلر؛ ہونکہ « معنوی شخصک » حق ملکیتی حائر اولسی ایجاب ایتدے۔ نفس الامر دے ملکیت ینہ جماعتی تشکیل ایدن افرادک ہیئت مجموعہ نہ عائددر۔

مخصص ، مجر سی مال نظریہ سی

قرون وسطادہ شایع دو قترینلردن و آلمانلرک [Gesamte hand]

حقیقه کی تمہیداتندن ملہم اولان بونظریہ فرانسه نك بیوک حقوق شناسی متوفی
M. Saleilles طرفدن مظهر مدافعه اولمشدر . خلاصہ شوندن عبارتدر :
حادثاتك فعلاً جریانى تدقیق ایندیلنجہ ثابت اولورکہ حقوقی شخصیت موضوع
بحث اولان برلرده تمامیہ آیرلش ومعین برجهتہ تخصیص ایدلش اموالندن
باشقہ برشی یوقدر .

بعض حقوقچیلر برمال آیرلینی ومستقل برملکیت تشکیل ایدلدیکی زمان
کیقتی ایضاح ایچون معنوی برشخصیتك ایجادینہ احتیاج وار فرض ایدرلر .
حالیوکہ افرادہ عائد اموال یانندہ ، حقوقی رابطہسی تخصیص وبرغایہ ایچون
حمیس اولان وقواعد مخصوصہسنہ توفیقاً اداره اولنان اموالك بولتہ بیلہجکنی
آصورہ نہ مانع وار ؟ بوجہایہ آیریلان اموال معین اشخاصك — داین ،
مرتزقہ — توثیق مطلوباتنہ ویا برصورتلہ انتفاعنہ خدمت ایدر بناء علیہ
مواضعلی معنوی شخصیت فکریخی برطرف ایتك اقتضا ایدر .

شورای دولت اعضاسندق

ہاشم

اجتہاد وتقلید

ہرکسك ییلدینکی برحقیقتدرکہ بوکون جهان مدنیتدہ الکرکی قالمش برملت
واردہ اودہ بز : عالم اسلامك ہر ہانکی جہتہ امالہ نکاح اولونسہ درحال
نظرلرده عجز ومسکت تجلی ایدیور . مدنيتك شرائط حاضرہ سیلہ متناسب
جدی ، حقیقی اثر حیات کوسزن برقطعہ اسلامیہ تصادف اولونہ میور . بروقتلر
جهانی انوار معرفت ومدنیتلہ عصر لرجہ تنویر ایلین بلاد اسلامیہ بوکون نورسز ،
دوجسز خرابہ زار حالندہ بولونیور .

انسان بزکرہ عالم اسلامك اولوقکی علم ومعرفتجہ ، مدنیتجہ ، فضائل
انسانیتجہ اوبلند موقعہ ، بردہ بوکونکی حال انحطاط و انقراضنہ باقیوردہ
حیرتدن حیرتہ دوشویوز . دینلی دینسز بوتون ملک واقوام ، حتی کوتشی ،